

卷十八

書名 文潞公文集四十卷 嘉靖五年高陵呂氏刊本
 撰者 宋 文彥博 撰，明 呂柟 校
 卷 卷十八
 內容分類 集-別集-北宋
 索書號 集部-別集-3-28
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部-別集-3-28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第一

古賦

聖駕幸太學賦并序

家以寰宇昭泰仍歲登平務恢儒風以章示黎獻
 帝乃備法駕幸于太學詔諸儒博士講論前典親
 聽焉臣獲逢休吉之期恭聞偉盛之事舞蹈不足
 於賦誄誠不能述宣上德褒讚形容姑第樵夫之
 不協擊轅之韻爾詞曰
 受命之四葉皇上御極之三年九有成若六合
 黎庶躋于壽域文教燭乎永天朝無闕政野無

院學化交方東 第
No. 8656 六
冊



0 1 2 3 4 5 6 7 8 9 20 1 2 3 4 5 6 7 8 9 3



文潞公文集卷第十八

奏議

乞令諸路擇機宜官

治平二年

臣切見諸路機宜司文字繁多所繫至重主管之官往往不先時檢閱詳熟遇有急速應荅外界文字或處分軍中事宜致有差誤未當臣欲乞遍下諸路帥臣令掌機宜官盡將本司前後所授宣劄子不下司文字并軍中前後行遣處置事狀一一分門編類排置冊封掌遇有應報外界文字及處置軍中事宜叅詳檢會不致差誤所有掌機宜官亦乞令帥臣慎擇



奏舉取進止

條奏薛向利害

臣被旨令看薛向所止疏并邊陲利害具可否條例錄進入臣詳觀向之所陳大要有五其一任將帥以致其衝其二亟攻伐以罷其敵其三省戍兵以實其力其四絕利原以弊其國其五慎經費以固其本所謂任將帥者朝廷何嘗不慎擇而重之但所擇或得或否耳既得其人固當如向所能使久其任必各成效猶如前時屢遷數易雖得賢才使將帥亦難責其成功所謂亟攻伐以罷其敵者一曰先舉之策以謂

先發制人攻勝後設制於人攻負故欲亟肆以罷之多方以誤之二曰淺攻之策其大旨欲招誘橫山部族團結熟戶之兵及義勇弓箭手之衆侵擾賊境使不寧居將自困弊此皆朝廷素留意者兼韓琦上言慶曆初會與范仲淹嘗建此會議西人輸欵而止去歲樞密院遂與中書同議悉有成算尋已降付逐路今錄奏議進呈兼逐路之兵自來未嘗精較實數去歲密院令編例官類聚得確實人數降下諸路嚴切訓練至於部分亦有成法并檢康定中諸路出帥牽制之術並密封逐帥遵守今並別錄朝廷處置之詳

殆無遺策然此舉動必當其時去歲十月臣嘗上奏於先帝若諒作果遂倨自絕於朝廷以討伐堯渠招納降附無所不可若猶恭順服過即當含容所謂羈縻不絕况王者之師非不得已豈宜輕用今向亦云若諒祚改圖自新復守誓詔伏望廓天地之量霽雷霆之怒省費罷兵安邊息民天下之幸斯言是矣然於平時不可不講議精熟一旦有隙用之無疑所謂省戍兵以實其力者其要欲省東兵之疲軟揀士兵之精勤取實用損虛為持久必勝之術朝廷近以計較逐路之兵去乞留精皆有定數俟向去春季依法

料簡蕪去歲不以親衛兵戍邊此亦省兵實力之一端也又曰絕利源以弊其國謂朝廷歲賜並緣邊和市一宜絕之賊勢自窘矣歲賜和市如諒祚阻命自當絕之上三策不待議論而利害可知所謂慎經費以固本此乃方今至切之務最要講求蓋經費若簡國財乃富國富即兵強即變不敢內侮而後制禮作樂馴至太平何款而不可今之言者不計國用之豐寡而欲輕舉妄動為國生事者多矣惟朝廷審用而慎行之兵一用其費不貲苟力屈貨殫雖有知者不能善其後向又以調度兵費宜以康定為鑑其言尤

為切當蓋康定時兵久不用人未知戰上下騷然暴
取橫用莫知紀極天下困弊終無尺寸之功亦可鑒
矣向云自寶元初守官陝右出入兵間今又主關中
之漕首尾七年目覩心計固宜詳悉其言誠有倫理
然謀攻料敵老將所難兵者大事不可輕言之古人
論兵至慎至重如向云取橫山如反掌捕西賊若設
置掩兔謀雖可采言亦似輕誠願慎之重之愚慮如
此伏乞聖神詳擇

御批綏州邊事

熙寧元年

御批今早得薛向此奏乃知彼中已是交兵及知种

諤尚在綏州未回何故前來朝廷指揮令審量事勢
取舍猶未到及據薛向奏云种諤申已令拆繼世部
領蕃兵弓箭手與西賊鬪敵却不說向北入戶自能
捍拒必是逃竄已及分数又不云續招到入戶幾何
度其彼中事勢大斷孤弱獨种諤倔強以數千之衆
守一空城耳於大事必以難就又慮綏城萬一不守
諒祚重兵驀來冲突到時雖藉諸路師臣同心處置
及據探到事宜中諒祚所點起兵數亦甚衆多必卒
未有期休散今雖一切責與薛向一朝失事戮之亦
後時也若朝廷兼為大慮韓琦改作陝府西路經畧

安撫使更不須降宣別指揮令經制四路軍事既帶陝西經略則自節制諸路便與改正勅文令過節便授餘事候面議

奏令陝西沿邊牒送降到蕃部與宥州

元熙寧

麟府路軍馬司奏昨有軍前殺降到西界蕃部結勝欲走歸西界事奉聖旨結勝放罪量支盤纏給口券轉送與麟延路經略司令保安軍牒送宥州收管况令來夏國累遣使詣闕貢奉如舊朝廷廣推恩恕務逐物情應時來捉降到夏國人口遣去本族豈無懷土思歸之心宜令逐路經略司並依此送保安軍民

令牒送宥州收管者

論夏國冊命

熙寧元年

薛宗

至若所齋表止是告哀別無陳訴及宗道於

押伴官處別無傳達言語欲令孫搆因聚會款曲間

祇作已意問之云先國主薨謝今來何人繼嗣達佗

若云某人繼嗣即却問云是先國主之何親若表告

終柝嗣之文即云是子即便問云是嫡子否若云是

嫡即與更問云先國主盛年棄世今來嗣子必是

幼小佗若有對更隨機問答之少間即更說與自古

外國必須中國冊命者方可取重於諸蕃今來西夏

以累世貢奉故嘗冊命嗣子然朝廷以夏國自嘉祐
以來於麟州界上掩殺郭恩及於涇源侵掠同家堡
子後又於天順城作過有違誓表如此非一以至先
帝上仙不時來祭今上登極亦不入賀然朝廷曲示
含容尚存事體而夏國終不省過又於去年十一月
中於順寧寨界上誘引殺害却知保安軍楊定等三
人如此不道今來朝廷必未肯便行封冊之禮須是
與夏國重別商議再具哲表約信丁寧務存久遠方
可商議別行封冊若依前却有侵犯邊境貢奉不時
豈是恭順和好之理若宗道別分疏即隨其言以理

折難若云某私是賚表來告哀不敢與聞佗議即且
說與今來使還須是子細說與本國知委候議定別
具哲表來上朝廷須有商量亦是使人了事之功効
也

奏減廣南東西路戍兵

熙寧元年

檢會廣南東西兩路景祐中屯洎兩路就根本城兵
一萬四千餘人治平三年兵共五萬一千餘人比景
祐年多一萬七千餘人蓋自皇祐儂賊事宜後來添
屯今賊平已久嶺外無事屯兵尚多况廣西稅入至
薄糧餉不給皆向內地轉輸而往加以北兵往戍不

習水土每至歲滿戍還瘡死者十有三四此乃守臣
務固事權兵官希望酬獎張皇邊事誑惑朝廷虛屯
兵甲枉費錢糧不早更張必大困弊檢唐制嶺南五
府經略守兵裁一萬五千餘人尚時亦無北兵屯戍
遇有蠻事止發隣鎮兵以助攻禦事定則兵還至
於兩漢命將曰樓船下瀨並為征蠻因事畢立名事
即已未有屯兵於炎瘴之地况儂賊平定之後守
土者固當經度減省以寬民力復如往日平時方為
了事若但因循坐視勞費豈副選任之意兼朝廷近
省諸路冗兵二廣尤宜裁節兼今有臣僚上言廣西

設官屯兵增置鎮寨事甚詳悉款並下本路經略安
撫張田子細相度具擘回利害聞奏并下廣東經略
使亦詳前項事理具本路見屯兵甲合行減省利害
聞奏

奏雄州邊事

熙寧元年

張利一等奏北界待通利兩屬人戶充義軍至時只
行公牒理辦必恐不濟事如此界果是刺丁手擘款
却勾追照驗逐旋發遣赴唐鄧等州給與田土居住
或乞却於兩屬人戶上等內揀少壯之人刺維州義
勇字已作聖旨令張利一等更切密細體探如果款

棟刺兩屬戶克義軍即速行公牒以理
止約况聞北界近裏以通刺了義軍獨遷延未便刺
兩屬人克軍乃是自顧事體行之非便故遲晉未決
又聞向前亦曾如此通刺尋亦中輟兼據探報云恐
以為名意在乞歛而已約若更以道理計術沮之事
應自罷設若全不顧道理刺却兩屬人戶克軍亦於
佗無利止是轉失人心

奏乞劉愆早過界

熙寧元年

臣准御批劄子可據陸誥奏如有宥州人來計會劉
愆過界之時須是應曰令疾速如常前去若諒祚以

種謬事發殺其使人即舉兵更是有名萬一事或不
來則朝廷應期遣使往來豈是中國先生閑隙臣依
詳聖慮深切事機已依准即是行下延州令劉愆應
日如常前去不得稽留况自古兵交使在其間蠢爾
夷狄豈敢輕犯王人兼於佗無濟陸誥此奏誠是疎
闊

萬一過慮如唐時番賊執漢使犯邊者此亦
無慮向差劉愆衆謂此人堅愆有守必能自
保忠義

論脩復延州北金明寨

熙寧元年

按聚米圖經延州之境東自長寧塞以次帶西北至德靖寨沿邊回遠接賊界地分約七百里舊分三路中路塞門大川直至延州北至金金明栲栲兩寨上又分路東入安遠寨自昔水北入塞門寨邊雖是山谷然諸處並有路通行入馬有渾州塞門兩川最是寬平易行大軍先朝五路八界范廷召隰州安延州到城下故先朝常保蘆關以扼其衝要廬關在塞門北十五里所自賊陷塞門安遠金明栲栲寨熟戶部落蕩然一空今雖脩復金明寨然徒有城壁其衝要之地多陷於虜加之甫耳州城不可不

文路公文集卷第十九

奏議

供取索英宗遺事熙寧元年

先帝切於求治審於任人臣等因進擬差除官上曰朕向在藩邸每聞朝廷除官多是不厭衆論朕亦以為倫選未當及朕臨御以來精意求人不少恡好爵今選於衆方知得人頗難然隨才任之使各稱其職可也臣等上奏曰帝王任人不藉才於已往不俟賢於將來隨才任之誠如聖旨

乞戒勵諸路將帥熙寧元年